

古

今

譚

槩

怪誕部第二目錄

天文冠

大像

西陽雜俎載劊青事

計六條

刺肩

異服

計五條

假面假衣冠

計二條

宴生

祭死

張幼于贖罪

蘇湛引過

計二條

殮如封角

飼犬

潔疾

計九條

倪雲林事

計二條

惡婦人

朝野異聞載何顏學問

計二條

陳公戒酒

浴酒

洞天聖酒

楊希古佞佛

暴城隍

項王廟

馬狀元刺

詩文好怪 計三條

亭館奇名

曬腹書

解語神柩

陸舟

怪誕部

子猶曰、人情厭故而樂新、雖雅不欲怪、輒耳暱之、然
究竟怪非美事、紉爲長夜之飲、通國之人皆失日、以
問箕子、箕子不對、箕子非不能對也、以爲獨知怪矣。
楚王愛細腰、使羣臣俱減餐、爲議者謂六宮可也、羣
臣腰細何爲、不知出宮、忽見腰圍如許、王必怪、怪則
不測、卽微王令、能勿減餐乎哉、夫使人常所怪而怪
所常、則怪反故而常反新矣、新故須臾、何人情之不
遠、猶也、昔富平孫家宰在位日、諸進士謁選、齊往受

教孫曰。做官無大難事。只其作怪。真名臣之言乎。豈
唯做官集怪誕第二。

○天文冠

新莽好怪。製天文冠。使司命冠之。乘乾車。駕坤馬。左蒼
龍。右白虎。前朱鳥。後玄武。右仗威節。左負威斗。號曰赤
星。以尊新室之威命。司命孔仁妻。坐祝詛事。連及自殺。
仁見莽克冠謝莽。使尚書劾仁。擅免天文冠。大不敬。有
詔勿問。更易新冠。

到王莽身上。周官井田俱屬怪誕。不止天文冠已也。

○大像

天后寵僧懷義為作夾紵大像小指中猶容十數人構天堂以居焉又殺牛取血畫大像首高二百尺云懷義刺漆血為之張於天津橋南忽大風起裂像為數百段

○西陽雜俎載割青事

上都市肆惡少好為割青有張幹者割左膊曰生不怕京兆尹右膊曰死不畏閻羅王又有王刀奴以錢五千召割工於胸腹為山池亭院草木飛走無不畢具細若設色京兆尹薛元賞悉杖殺之杖殺之又高陵縣捉得鏤身者

宋元素。剗七十一處。刺左臂曰。昔日已前家未貧。千金不惜結交親。及至恓惶覓知己。行盡關山無一人。右膊剗葫蘆。上剗出人首如傀儡戲。所謂郭公者。縣吏不解問之。言葫蘆精也。

蜀市人趙高。滿背鑊毘沙門天王。吏欲杖其背。見天王輒止。恃此轉爲坊市患。李夷簡擒而杖之。叱杖子打天王。盡則已。經旬日。高袒衣。歷門叫呼。乞脩理天王功德。

錢

段成式門下駟路神通背刺天王像。自言能得神力。每

朔望具乳糜焚香袒坐使妻兒供養其背而拜焉

貞元中荆州市中有鬻劄者製爲印上簇針爲衆物狀

如蟾蜍鳥獸隨人所欲印之刷以石墨精細如畫焉

天下事久必成套無怪不常卽劄印一事可見

荆州街男子葛清自頸已下通劄白居易詩段成式嘗
與刺客陳至呼觀之令其自解背上亦能聞記反手指
其劄處至不是花中偏愛菊則有一人持杯臨菊叢黃
夾纈窠寒有葉則指一樹樹上掛纈窠窠紋絕細凡劄
三十餘首體無完膚陳至呼爲白舍人行諱圖

蜀小將韋少卿少不喜書嗜好劖青其季父嘗令解衣視冑上劖一樹樹杪集鳥數千其下懸鏡鏡鼻繫索有人止於側牽之叔不解問焉少卿笑曰叔不曾讀張燕公詩云挽鏡寒鴉集耶叔大笑不已

陳錫玄曰此直以親之枝供兒戲耳可謂非夷俗耶獨有一道士爲郭威馮暉彫刺則有異焉刺郭於項右作雀左作穀粟刺馮以臍作瓮中作雁數隻戒以他日雀銜穀雁出瓮是爾亨日後郭祖秉麾雀穀稍近比登極雀遂銜穀而馮是時爲帥雁亦自瓮中累

纍出矣。一時雕刺，却寄先徵，異哉。

○○刺眉

彭淵材初見范文正公畫像，驚喜再拜，前啓折稱新昌布衣。彭几幸獲拜謁，既罷，熟視曰：有奇德者必有奇形，乃引鏡自照，又捋其鬚曰：大略似之矣，但只無耳毫數莖耳。年大，當十相具足也。又至廬山太平觀，見狄梁公像，眉目入鬢，又前再贊曰：有宋進士彭几謹拜謁。又熟視久之，呼刀鐮者，使刺其眉尾，令作卓枝入鬢之狀。家人輩望見，驚笑。淵材怒曰：何笑吾前見范文正公恨無。

耳毫。今見狄梁公，不敢不剃。何笑之乎。

笑林評曰：見晉王克用，卽當剔目。遇婁相師德，更須折足矣。子猶曰：此等人，宜黥其面，使學狄青，却其膝，使學孫臏。或問其故，曰：這花臉，如何行得通。

○異服

進士曹奎作大袖袍。楊衍問曰：袖何須此大。奎曰：要盛天下蒼生。衍笑曰：盛得一箇蒼生矣。

今吾蘇遍地曹奎矣。

翟耆年好奇巾服，一如唐人，自名唐裝。一日往見許彥

周彥周。鬢髻著犢鼻褌。躡高屐。山迎。瞿愕然。彥周徐曰。吾晉裝也。公何怪。

只容得你唐裝。

北齊宋道暉。阜城人。與同郡熊安生。並稱經師。道暉好著高翅帽。大屐。州將初臨。輒服以謁。見。仰頭舉肘。拜於屐上。自言學士。比三公。後齊任城王潛鞭之。道暉徐呼安偉。安偉出。謂人曰。我受鞭不着體。復躡屐翩翩而去。冀州爲之語曰。顯公鏡。宋公鼓。宋道暉屐。李洛姬肚。謂之四大。顯公。沙門也。宋公。安德太守。

○今人稱頌經師，必以絳帳爲賢，而以高帽大履爲醜。不知道暉特迂怪可笑耳。未若馬融之可恥也。融以
以一代大儒，門生滿天下，而諂事梁冀，獻西第頌，又
李固之誅，疏草實出融手，視高帽大履，岸然於任城
王之前者，相去何啻千里。

元祐中，米元章居京師，被服怪異，戴高簷帽，既坐，輦爲
頂蓋所礙，遂撤去，露頂而坐。一日出保康門，遇晁以道，
以道大笑，下輦握手問曰：晁四，你道似甚底？晁云：我道
你似鬼章。二人撫掌絕倒。時西邊獲賊寨首領鬼章，檻

車入京，故以爲戲。

蜀中日者費孝先筮易，以丹青寓吉凶，謂之卦影。其後轉相祖述，畫人物不常，鳥或四足，獸或兩足，人或儒冠而僧衣，故爲怪以見象。米元章好怪，常戴俗帽，衣深衣而躡朝鞋，人目爲活卦影。

○○假面假衣服

張幼于燕居，多用假面，少與山僧處，嘿厚。一日往京覓官，過別張笑謂曰：我儒人尚無宦情，汝反不禁中熱耶？及拜官歸，乘馬相訪，張星冠羽服，戴假面出迎，口不發

一辭推以乘騎，觀者載道，馬不得前。又郁山人璠攜村妓至，曰：婦能詩，請聯句。坐方洽，其夫忽以儒衣冠登座，訝客不當近其內。客欲散，止之曰：吾當以干戚解圍，仍用羽服假面與揖遜，夫驚而逸。

假面對假曾假儒正姑。

張敫

幻于晚年改名敫

嘗過江陰薛世和，薛方拜鴻臚歸，見架

上衣冠，門有繫馬，竟服其衣冠，乘馬張蓋。報張薛二孝廉之謁，二公具衣冠送迎，賓主略不相誅。

世上衣冠半假也。幻于特爲拈示。

○○宴死 祭生

黃彪夜看張教見其齋中設筵教獨居主人位嘿若談對問其故答曰今日宴死友張之象董宜陽何良傳莫如忠周恩兼五人我念所至輒與心語彪笑曰以公所邀諒諸君必赴

諸君奇客張奇情黃亦奇語

張孝資與張教善嘗謂教曰予倘先君歿當煩設祭及吾未也蓋先諸教奇其意爲卜日懸祭文設几筵籩豆孝資至先延之後閣令僮相贊禮伶人奏樂出之正襟

危坐助祭者朗誦祭章聲伎滿堂香煙繚繞教贈以詩云祭是生前設蒐非死後招

金陵史癡

名忠字廷直

年踰八十預命發引已隨而行謂

之生殯孝資生祭類之

○張幼于贖罪

張居士鵬月朔謁家廟樓區忽墮張曰此祖宗怒我也因沐浴茹素作自責文囚服長跣謝過凡七日以巨石壓頂令家奴下杖數十已而口占贖罪文備述生平讀書好客之事因起更衣插花披錦鼓樂導之而出曰祖

宗釋我矣。

○○蘇湛引過

蘇世長在陝。邑里犯法。不能禁。乃引從。自撻於市。屢五百人。疾其說。鞭之流血。長不勝痛楚而走。

側身脩行足矣。而成湯以身代犧。閉關思過足矣。而世長以身受撻。是皆已甚也。鞭之流血。長不容不走矣。倘桑林之神。真欲奉享。不知商王意下如何。

湛子文朴。令江夏。勤省過失。設有小愆。輒以狀自劾。使吏望闕呼名。已唯諾示改。

虛文可厭

○殮如封角

司馬文正公薨程正叔以臆說殮之如封角狀東坡嫉其怪妄怒詆曰此豈信物一角附上閻羅大王者耶

唐末吳堯卿以備保起家托附權勢盜用鹽鐵錢六十萬緡及廣陵陷軍人識堯卿者咸請啗之畢師鐸不許夜令易服而遁至楚州爲讎所殺棄口衢中其妻以紙絮葺棺歛之未及就塋好事者題其上云信物一角附至阿鼻地獄請去斜封送上閻羅大王者時

人以爲笑端蘇語本此

○飼犬

暢師文好奇尚怪總帥汪公張具延飲主人方送正飯師文忽顛使其童瀉羹於地羅籠餅其側主命再供既至又復如前逕推案上馬而去後使人問之因作色曰獨不見其犬乎或寢或訛列於庭下是不以犬見待且必以犬見噬也吾故飼之而出耳

犬客竝列亦是主人不謹莫怪莫怪

○潔疾

暢純父有潔疾與人飲必欲至盡以巾拭爵乾而後授之則喜自飲亦然食物多自手製水惟飲前桶薪必以尺葱必以寸一日劉時中與文子方同過值其濯足暢聞二人至輟洗而迎曰適有佳味可供佳客遂於臥內取四大桃置案上以二桃洗於濯足水中持啖二人子方與時中云公洗者公自享之勿以二桃污三士也因於案上各取一瓶大笑而出

純父過以潔自信

齊王思遠性簡潔客詣已者衣服垢穢則不前必刑儀

新楚乃與促膝及客去猶令二人交帚拂其坐處

同時丘明士蓬首散髮終日酣醉李珪之曰吾見王思遠便憶丘明士見丘明士便憶王思遠

宗炳之性潔賓客造之者去未出戶輒令拭席洗牀

遂安令劉澄有潔癖在縣掃拂郭邑路無橫草水翦蟲穢大不潔百姓不堪

王維居朝川地不容微塵日有十數帚掃治專使兩僮縛帚有時不給

王思微好潔左右提衣必用白紙裏手指宅中有犬汗

屋棟思微令門生洗之。意猶未已，更令刮削。復言未足，遂令易柱。

荆公夫人吳，性好潔，與公不合。公自江寧乞歸私第，有一官藤牀，吳假用未還。官吏來索，左右莫敢言。公直跣而登牀，假仰良久。吳望見，即命送還。又嘗爲長女製衣，贈甥，裂綺將成，忽有猫臥其旁。夫人將衣置浴室下，任其腐敗，終不與人。

荆公終日不梳洗，蟻蝨滿衣。當是月老錯配。

米元章有潔疾，盥手以銀爲斗，置長柄，俾奴僕執以瀉。

水於手，呼爲水斗，已而兩手相拍至乾，都不用巾拭，有客造元章者，去必濯其坐榻，巾帽亦時時洗滌，又朝靴偶爲他人所持，必甚惡之，因屢洗，遂損不可穿。

周仁熟與米芾交契，一日芾言得一研，非世間物，殆天地秘藏，待我識之，答曰：公雖名博識，所得之物，真屬各半，特善誇耳，芾方發筭檢取，周亦隨起，索巾滌手者再，若欲敬觀狀，芾喜出研，周稱賞不已，且云：誠爲尤物，未知發墨何如，命取水未至，亟以唾點磨墨，芾變色曰：一何先恭後倨，研污矣，不可用，周遂取歸。

或作子瞻唾研非也

芾初見徽宗，命書周官篇於御屏，書畢，擲筆於地，大言曰：一洗二王惡札，照耀皇宋萬年。周殿撰謂芾善誇，誠不謬。○周非欲研，特以米好潔，聊資嬉笑耳。周後復以研歸米，米竟不取。

○倪雲林事

倪雲林名瓚，元鎮其字也。性好潔，文房拾物，兩僮輪轉拂塵，須臾弗停。庭前有梧桐樹，旦夕汲水揩洗，竟至稿死。嘗留友人宿齋中，慮有汗損，夜三四起潛聽焉。微聞嗽聲，大惡之。凌晨令童索啖痕，不得。童懼，拾敗葉上。

有積垢似啖痕以塞責。倪掩鼻閉目。令持棄三里外。其寓鄒氏日。鄒塾師有壻曰金宣伯。一日來訪。倪問宣伯。儒者。倒屣迎之。見其言貌。盛率大怒。掌其頰。宣伯媿忿。不見主人而去。鄒出頗怪之。倪曰。宣伯面目可憎。語言無味。吾斥去之矣。初張士誠弟士信聞倪善畫。使人持絹。侑以重幣。欲求其筆。倪怒曰。倪瓚不能爲王門畫師。卽裂去其絹。士信深銜之。一日士信與諸文士遊太湖。聞小舟中有異香。士信曰。此必一勝流。急傍舟近之。乃倪也。士信大怒。卽欲手刃之。諸人力爲營救。然猶鞭倪。

數十倪竟不吐一語。後有人問之曰：君被窘辱而一語不發，何也？倪曰：一說便俗。

或又言元鎮因香被執，囚於有司，每傳食，命獄卒舉案齊眉，卒問其故，不答。旁曰：恐汝唾沫及飯耳。卒怒，鎖之溺器側，衆雖為祈免，憤哽竟成脾泄，今人以太祖投之廁中，謬也。

又聞倪元鎮嗜茶，其用果按者，名清泉白石，非佳客不供。有客請見，且彌月矣。倪鑒其誠，許之。客丰神飄灑，倪甚欣洽，命進此茶。客因渴，再及而盡。倪便停盞。

入內終不出客請其故倪曰遇清泉白石不徐徐賞
味定非雅士又倪有清秘閣人所罕到有白馬極護
惜會母病請葛仙翁診視時天雨葛要以白馬相迎
既乘馬亂行泥淖中人馬俱污及門先求登清秘閣
倪不敢拒葛躡屐而上咳唾狼籍古玩書籍翻覆殆
遍倪自是遂廢此閣終身不登或云倪有仙骨葛以
此破其迂僻冀得度世惜乎其不悟也

倪元鎮於女色少所當意一日眷金陵趙歌姬留宿別
業心疑不潔俾之浴既登榻以手自頂至踵且捫且嗅

捫至陰、復俾浴、凡再四、東方既白、不復作巫山之夢、
同時楊廉夫、號好聲色、每會間見歌兒足小、卽脫其
鞵、載盞行酒、謂之金蓮杯、一日與倪會飲、楊脫妓鞵、
傳觴、倪怒、翻案而起、楊亦色變、席遂散、後二公竟不
復面、

○惡婦人

梁蕭譽惡見婦人、雖相去數步、亦云遙聞其臭、
世間逐臭之人、又何多也、

○○朝野異聞載何顏學問

嘉隆間、講學盛行、而楚人顏山農之說最奇、謂貪財好色、皆從性生、天機所發、不可闕之、第勿留滯胃中而已。門人羅汝芳成進士、戒且勿廷對、羅不從、明年遇之淮上、笞之十五、挾以遊、羅唯唯、惟命、後至南都、以挾詐人財事發、捕之官、笞五十、不哀祈、亦不轉側、困囚、圖且死、羅力救之、得出、出則大詈不已、謂獄我者尚知我、而汝不知我也、羅亦唯唯。

何心隱者、其才高於顏山農、而狠幻過之、嘗言天地一殺機也、堯不能殺舜、舜不能殺禹、故以天下讓、湯武能

殺。桀。紂。故。得。天。下。少。嘗。師。事。山。農。山。農。有。例。師。事。之。者。
必。先。殿。三。拳。而。後。受。拜。心。隱。既。事。山。農。察。其。所。行。意。甚。
悔。一。日。值。山。農。之。淫。於。村。婦。也。匿。隱。處。俟。其。出。而。扼。之。
亦。殿。三。拳。使。拜。削。弟。子。籍。
正是天機，不知心機，何以辨之。

按顏譎戍歸八十餘尚無恙而何竟爲張江陵所殺
幸與不幸耳然江陵未相時訪耿御史坐席未煖而
去何從屏後窺之便謂此人能殺我亦異矣哉

○陳公戒酒

南京陳公鎬善酒督學山東時父慮其廢事寫書戒之

乃出俸金命工製一大盃可容二觔許鐫八字於內云
父命戒酒止飲三杯士林傳笑

按公爲山東提學時夜至濟陽公館庖人供膳無箸
恐公怒責公略不爲意或請啓門外索弗許庖人乃
削柳條爲箸公曰禮與食孰重竟不夜餐亦迂介之
士也予猶曰簋簋始於上罔安知削柳非箸之始乎
迂儒不知禮意但立異取名耳不然胡不并三杯戒
之

○○浴酒

石裕造酒數斛，忽解衣入其中，恣沐浴而出，告子弟曰：吾平生飲酒，恨毛髮未識其味。今日聊以設之，庶無厚薄。

○洞天聖酒

號國夫人就屋梁懸鹿腸，其中結之，有宴則解開於梁上，注酒號洞天聖酒。

楊希古佞佛

楊希古性迂僻，酷嗜佛法，嘗設道場於第，每凌旦，輒入其內，以身俯地，俾僧據其上，誦金剛經三遍。

○暴城隍

萬曆己丑蘇郡大旱時石楚陽爲守清惠素聞禱雨特切乃昇城隍於雩壇與之對坐去蓋暴烈日中神像發裂而石感暑疾幾殆繪圖謂江公銅誤也

○項王廟

夷堅支和州士人杜默累舉不成名性英儻不羈因過烏江入謁項王廟時正被酒露醲才炷香拜訖徑升偶坐据神頭拊其首而慟大聲語曰大王有相虧者英雄如大玉而不能得天下文章如杜默而進取不得官語

畢又大慟。淚如迸泉。廟祝畏其獲罪。扶掖以出。秉燭檢
視神像。垂淚亦未已。

以憤王遇歌。奏正如重歌。拔山那得不淚。石介作三
奏詩。謂出

默歌。奏石曼卿詩
奏賦馬永叔文奏

○馬狀元刻

相傳馬狀元鐸母馬氏妾也。嫡妬不容。再嫁同邑李氏。
復生一子。名馬。後亦中狀元。上喜其文。御筆於馬旁
加其字。名李騏。越三日。瀛傳凡三唱。無應者。上曰。卽
李馬也。騏乃受詔。每投刺。騏字。黑書馬。朱書其。

相傳徐髯翁受武宗知遇，曾以御手凭其左肩，遂製一龍爪於肩上，與人揖，只下右手，亦怪事也。

一母生二狀元，奇哉。宋陳尚書與潘榮之交厚，潘無子，陳有妾，宜子，乃以借之，卽了翁之母也。未幾潘生子，名良貴，其母遂往來兩家焉。一母生二名儒，亦前所未有。

○詩文好怪

羅玘爲文，率奇古險怪，居金陵時，每有撰造，必棲踞喬木之顛，霞思天想，或時閉坐一室，客於隙間，窺見其容。

色枯槁有死人氣都穆乞伊考誌銘銘成語穆曰我爲此銘瞑去四五度矣

怪道誌銘多說鬼話

劉幾有文名歐公知貢舉得幾卷曰天地軋萬物茁聖人發公續之曰秀才刺試官刷以朱筆直勒之

盧仝號玉川子詩體與馬異俱尚險怪二人結交詩云全不全異不異是謂大全而小異

○亭館奇名

江西右諭蕭大山好奇之士名其堂曰堂堂軒曰軒

軒軒亭曰亭亭亭。陳越經江西蕭邀飲。遍歷亭館以觀其區。至一洞。因戲之曰。何不云洞洞洞。蕭爲不懌。

○曬腹書

郝隆七月七日出日中。仰臥。人問其故。答曰。我曬書。

東坡謂晨飲爲澆書。李黃門謂午睡爲攤飯。

○解語神柩

苗胤進士嘗自外遊。歸途疾甚。不堪登升。適有輦棺而回者。以其價賤。卽就而寢息其中。至洛東門。鬻者不知其中有人。詰其來由。胤謂其訝已。徐答曰。衣冠道路得。

病貧不能致他物相與無怪也。聞者曰：吾守此三十年矣，未嘗見有解語神槓。

○陸舟

張思光給假東出，世祖問卿住何處，答云：臣陸處無屋，舟居非水。後日上以問其從兄思曼，思曼曰：融近東出，未有居止，權牽小船於岸上住。

癡絕部第三目錄

癡趣

計五條

蘇州癡

米顛事

計七條

去髻

畏癡

計二條

驕癡

計三條

喜得句

計二條

太史公

金老童

愚癡

計五條

妬癡

愛癡

計三條

寵妃

計二條

渺媚

內園小兒

愛子

噴癡

計二條

貪癡

計四條

惡癡

計十條

風流箭

癡畜生

計七條

癡絕部

子猶曰。虎頭三絕。癡居一焉。癡不可乎。得斯趣者。人天大受用處也。碗大一片。赤縣神州。縱生塞滿。原屬假合。若復件件認真。爭競何已。故直須以癡趣破之。過則驕。不及則愚。是各有不受用處。若夫妬愛貪嗔。還以認真受諸苦惱。至癡而惡焉。則畜生而已矣。毋爲驚嚇。毋爲螳怒。不望癡福。且違癡禍。集癡絕第三。

○○癡趣

陶淵明日用銅鉢煮粥爲食。遇發火。則再拜曰。非有是。

大何以充腹。

買島常以歲除取一年所得詩祭以酒曰勞吾精神以是補之。

方鎔隱天門山以搜摺葉拂書號曰無塵子月以酒脯祭之。

韓退之嘗登華山巔窮極幽險心悸目眩不能下發狂號哭投書與家人別華陰令百計取之方能下。

便知心術勝章子厚。

張旭大醉以頭濡墨而書。

○蘇州癡

蘇人好遊。袁中郎詩云：蘇人三件大奇事。六月荷花二十四。中秋無月。虎丘山重陽有雨。治平寺。

此正蘇州人一生大正經處。

○米顛事

米元章知無爲軍。見州廨立石甚奇。命取袍笏拜之。呼曰石丈。言事者聞而諭之。朝廷傳以爲笑。或語芾曰：誠有否。芾徐曰：吾何嘗拜。乃揖之耳。

宋徽宗在艮嶽。召米芾至。令書一大屏。指御案間端硯。

使就用之。芾書成，卽捧硯跪請曰：此硯經臣濡染，不堪復以進御。上大笑，因以賜之。

只癡進，不癡出。

米元章一帖云：承借刺員，其人不名，自稱曰張大伯。是何老物，輒欲爲人父之兄。若爲大叔，猶之可也。

米元章嘗爲書畫學博士，後遷禮部員外郎，數遭白管逐出。一日以書抵蔡京，訴其流落，且言舉室百指，行至陳留，獨得一舟如許大，遂畫一艇於行間。京哂焉。時彈文正謂其顛，而芾又歷告諸執政，自謂久任中外，竝被

大臣知遇舉主累數十百皆用吏能爲稱首一無有以顛蒙者世遂傳米老辨顛帖

東坡在維揚一日設客皆名士米元章亦在坐酒半忽起曰世人皆以芾爲顛願質之子瞻公答曰吾從來惟不自謂癡乃真癡今則癡人比比是矣飾癡態以售其姦借癡名以寬其謗此又古人中所未有也

米芾好奇葬其親潤州山間不封不樹嘗自詫於人言莫有知其穴者有王相者素與米遊甚狎獨知之米

日與客遊山因至墓所周覽之次相忽溲於草間米色

變意甚怒。然業已諱之。竟不敢止相。

米芾方擇壻。會建康段拂字去塵。芾擇之曰。旣拂矣。又去塵。真吾壻也。以女妻之。

○去髯

郭恕先放曠不羈。尤不與俗人伍。宋太宗聞其名。召赴闕。館於內侍者竇神興舍。恕先長髯而美。一日忽盡去之。神興驚問其故。曰。聊以效髯。

○畏癡

涓石梁性畏。見己之影。以爲鬼也。驚而死。

陸念先生平畏鬼、畏水、畏狗。夜寢必擁持一人乃安。不然亦與連榻，不得遠去。數武近道，未嘗就舟。適遠當渡，濶處則洪飲取醉，重衾蒙首，悶臥艙中。或故牽出之，卽狂呼哀鳴，不啻就死。行街市中，見犬必避人後。或聞狺狺聲，輒狂奔無地。欲訪客，必令一人前驅衛之。徐聲遠寓韓氏園，庭蓄馴鶴。陸詣徐，偶應門無人，立俟戶外良久。徐始覺，因調之曰：公畏鶴如狗，奈天下笑何。

○○驕癡

顧長康體中癡點各半。矜伐過實，諸少年因相稱譽以

爲戲弄，爲散騎常侍，與謝瞻連省，夜於月下長詠，自云
得先賢風制，瞻每遙贊之。長康彌自力忘倦，瞻將眠，語
槌脚人，令代愷之，不覺有異，遂諷詠達旦。
槌脚人何必不如白家老嫗，得他贊亦自好。

子美善鄭廣文，嘗以花卿及姜楚公畫鷹歌示鄭，鄭曰，
足下此詩可以療疾，他日鄭妻病，杜曰，爾但言子璋觸
體血模糊，手提擲還崔大夫，如不瘥，卽云觀者徒驚帖
壁飛，畫師不是無心學，未聞更有昔日太宗奉毛騶，近
時郭家獅子花，如又不瘥，雖和扁不能爲矣。

顧愷之以一厨畫寄恒玄，玄發厨後竊之，而緘閉如故。後愷之來，啟已空，笑曰：「妙畫通靈變化去矣。」

○○喜得句

葑門老儒朱野航頗攻詩，館於王氏，與主人晚酌罷，主人入內，適月上，朱得句云：「萬事不如盃在手。」一年幾見月當頭。喜極發狂，大叫叩扉呼主人起，舉家皇駭，疑是火盜，及出問，始知乃取酒更酌。

一酒也。先生賞詩，主人壓驚。

閩人周朴性喜吟詩，每遇景物，搜奇抉思，日旰忘返，尚

得句則欣然自快時適野逢一負薪者忽持之厲聲曰
詩味不見我得之矣句云子孫何處爲間客松栢被人伐作薪樵
夫豐然驚駭掣臂棄薪而走遇徼卒疑樵者爲偷兒執
而訊之朴徐往告卒曰適見負薪因得句耳卒乃釋之
一士人欲戲之一日跨驢於路見朴來故欹帽掩面吟
村舊詩云禹力不到處河聲流向東朴聞遽隨其後士
促驢而去略不顧行數里追及語曰僕詩河聲流向西
非向東也士人頷之而已閩中傳以爲笑

○太史公

山人某姓者，自負其才，傍無一人。途中聞乞兒化錢聲，甚悽惋，問曰：如此哀求，能得幾何？若叫一聲，太史公爺爺當以百錢賞汝。乞兒連喚三聲，某傾囊中錢與之，一笑而去。乞兒問人云：太史公是何物，值錢乃爾。

○金老童

烏程金生，七十餘，猶應童子試，爲文鄙俚，而高自矜期。人見之，無不笑者，因詒之云：凡文章令人贊美，尚非其至。若奇快之極，不禁歡笑，古名人之筆，贊美有之，其能發人笑者，卽王唐不數數也。金信之，自是有笑其文者。

金亦隨之撫掌。嘗對人云：吾某文爲某某先生所笑。以此自炫焉。遇縉紳輒拜稱門生。冀其薦達。縉紳亦利其呈課，以爲笑端。適陳令正經試士，縉紳預言老童之狀，令獨標其名爲一案。召語之曰：汝的是奇才，不愧案首。惜汝齒長，留作來生未了事，可也。金逢人輒道令之知而不舉，以爲忌才，欲持卷訟之。學道衆言令惜汝才，奈何警之，苦諭乃止。

余親見此老數藝，猶記其牛竿父母題破云：二獸歸二親，弟肆殺兄論也。校人烹之破云：校人方畜魚之

命而必熱之焉。又自言曾詣友人家，值會課，題爲閔子騫冉伯牛，衆方闢筆，苦於難破，吾破之曰：四賢中二賢德行中可取也。友人見我，二字切題，喜極，無不笑倒者。

○○愚癡

顧愷之癡信小術，桓玄嘗以一柳葉詒之，曰：此蟬翳葉也，以自蔽，人不見已。愷之引葉蔽已，玄伴昧而溺之。愷之信玄不見已，受溺而珍葉焉。

裴令公性慕禪林，往往挂衲，所生子女多名師女僧兒。

潛令婢妾承事禪師，留其聖種。

則天內宴甚樂，河內王懿宗忽起奏曰：臣急告君子急告父，則天大驚，引前問之，封曰：臣封物承前府家自徵，近敷州縣徵送，大有損折，則天怒曰：朕諸親會飲甚歡，汝是親王，爲二百戶封，幾驚殺我，敕令曳下。

黃魯直有癡弟，畜漆琴而不御，蟲蝨入焉，魯直嘲之曰：龍池生壁蝨，而未有對，魯直之兄大隣見牀下以溺器畜生魚，問之，其弟也，大呼曰：可對虎子養溪魚。

崑山孫嘿齋

名雲進士

乃孫性駭，已破家盡矣，惟餘兩坐枕。

一日見携籠過者，欲買而無錢，以一杙與換之。其人將杙售鄰家，得米二斗。鄰家意欲成對，其人曰：「易耳。」乃復以籠往換。孫頓足曰：「何不早來！」果有一杙，適已碎作薪。黃覽矣。

○○ 妬癡

李益有妬癡，閑妻妾過虐，每夜撒灰扃戶，以驗動靜。據小說，李十郎負霍小玉，其癡疾乃霍爲祟而然。

崑山陳梧亭言其邑某秀才，亦有癡疾，而性更迂緩。夜在家，嘗伏暗處，俟其妻過，據前擁之，妻驚呼，則大

喜曰。吾家出一貞婦矣。一日喚土工甚急。繼之以怒。工方爲大家治屋。屢辭不獲。乃舍而就之。問何造作。指門內壁間一隙曰。爲塞此。工愠曰。撥忤而來。宜先其急者。答曰。汝何知此隙。雖小。間壁有瘦長漢。盡可鑽入。吾是以汲汲也。又歲中藏橘腐潰。不可食。乃攜於橋欄上。每雙數而擲之河中。人問曰。旣棄。何數爲。答曰。雖棄物。亦要一見數目。

○愛癡

尾生與女子期於梁。女子不來。水至不去。抱梁柱而死。

萬世情癡之祖

荀奉倩與婦至篤。冬月婦病熱，乃出中庭，自取冷，還以
身熨之。吳下韋生，貌劣而善媚，於冬月宿名妓金兒家。
妓每欲用餘榻，韋輒先之。候榻煖，方使乘坐。

按奉倩竟以傷逝不壽，同脫火宅，固所願也。韋生終
與金兒諧好，豈餘榻債不了耶？

吳中陳體方以詩名，有妓黃秀雲，性黠慧，喜詩，謬謂體
方曰：吾必嫁君。然君家貧，乞詩百首為聘。體方信之，苦
吟至六十餘章，神竭而歿。情致清婉，方苦吟時，人多笑。

其老耄被詰而欣然每誇於人以爲奇遇

桎體方每有吟咏必先索酒將死頭戴野花肩輿遍遊田前狂醉三日乃逝亦異人也

○寵妃

齊後主寵馮淑妃周師之攻晉州也羽書告急帝方獵欲還妃請更殺一圍從之城遂沒帝至作地道攻之城陷十餘步將士乘勢欲入帝敕且止召妃共觀之妃妝點不獲時至周人以木拒塞城遂不下

後燕慕容熙寵愛符后從伐高句驪至遼東爲衝車地

道以攻之。城且陷。欲與后乘輦而入。不聽。將士先登。由是城守復完。攻之不克。未幾。符后死。熙悲號氣絕。久而復蘇。大殮已訖。復啟其棺。與之交接。服斬縗。食粥。制日僚於闕內。設位哭臨。使有司案檢。有淚者。以爲忠孝。無則罪之。羣臣震懼。無不合辛致淚焉。

○眇媚

秦少游云。媚有眇一目者。貧不能自贖。乃西遊京師。有少年從數騎出河上。見而悅之。遂大嬖幸。取置別第中。囁嚅同奉。惟恐不當其意。有書生嘲之。少年忿曰。自余

得○若○人○還○視○世○之○女○子○無○不○餘○一○目○者○夫○佳○目○得○一○足○矣○奚○以○多○焉○

○內園小兒

幸蜀記唐僖宗寵內園小兒張浪狗一日以無馬告因密與百金俾自買之浪狗求得馬置宣徽南院中帝因獨行往觀繞馬左右連稱好馬其馬未調忽爾騰躍踏帝左脇遂昏倒浪狗驚惶以銀盂注尿灌之良久方甦偽稱氣疾醫人候脉謂是滂脫氣投治不效而崩其密與百金也如竊簪鉞婢其獨行觀馬也如頑童

背師。其倒地灌尿也。如無賴喫打。全然不傷皇帝矣。
○愛子

清波雜誌。端拱二年。河南府言前郢州刺史穆彥璋。以
愛子死。不願生。挺身入山林。飼餓虎。

○○嗔癡

呂氏春秋。齊莊公時。有士曰賓卑聚。夢有壯子叱之。唾
其面。惕然而寤。終夜坐不自快。明日告其友曰。吾少好
勇。年六十無所挫辱。今夜辱吾。將索其形。期得之則可。
不得。將死之。每朝與其友俱立乎衢。三日不得。却而自

歿

常熟秦廷善性多憨怪嘗閱史至不平時必拊案切齒
一日觀秦檜殺岳飛大怒且拍且罵妻勸之曰家惟十
九已碎其人矣留此喫飯亦好廷善叱之曰汝與秦檜
通姦耶遂痛擊之

○○貪癡

玄宗欲相牛仙客慮時議不協問於高力士力士亦以
爲不可上怒曰卽當相廉嘗蓋舉極不可者言耳左右
竊報嘗卽拜相嘗以爲然乃盛服趨朝不自覺就列延頸冀有

成命時人笑之。

世廟時通州虜急怒大司馬丁汝夔置之辟縉紳見而歎曰仕途之險如此有何宦情中一人笑曰若使兵部尚書一日殺一箇只索拋却若使一月殺一箇不怖死還要做他。

王溥父祚致仕家居呼一瞽者問壽歷舉八十九十以至百歲皆云未也此壽星命最少亦須一百三四十歲祚喜甚令更推中間莫有疾厄否瞽者細數至百二十歲時曰秋此年流星欠利祚便驚愕瞽者曰無傷也微

苦臟腑尋便安耳。昨回顧子孫在後侍立者曰爾輩切記。此年莫着我喫冷湯水。

廬山九天使者廟有道士忘其姓名體貌魁岸飲噉酒肉有兼人之量晚節服餌丹砂躁於冲舉魏王之鎮潯陽也郡齋有雙鶴因風所飄憇於道館迴翔嘹唳若自天降道士且驚且喜焚香端簡前瞻雲霓自謂當赴上天之召命山童控而乘之羽儀清弱莫勝其載毛傷背折血灑庭除仰按久之是夕皆斃翌日馴養者詰知其狀訴於公府王不之罪處士陳沆聞之爲絕句以諷云

嗽肉先生欲上昇。黃雲踏破紫雲崩。龍腰鶴背無多力。
傳語麻姑借大鵬。

近年浙中一士夫學仙。屏居已久。妄自意身輕。可以
飛舉。乃於園中累築數層。登而試之。兩臂纔張。遽爾
墜損。醫藥彌月始愈。

相位至尊也。而怪不可者。亦作妄想。殺慘禍也。而慕
兵部尚書者。不怕一月殺一箇富貴之迷人如此哉。
富貴不已。則思壽。壽不已。則思仙。癡而貪。猶可言也。
貪而癡。不可言矣。有夢貸人以錢者。早遇其人。索償

甚急其人怒曰汝夢耶夢者曰固也汝卽夢中爲我
亦可但不得賴此以癡而貪者也秦皇漢武竭天下
之力以求神仙梁武三捨身同秦寺羣臣出錢贖之
此以貪而癡者也

○○惡癡

齊文宣晚年畱情沈湎肆行淫暴或袒露形體塗傅粉
黛遊行市肆或使劉桃枝崔季舒負之而行擔胡鼓而
拍之歌謳不息或持牟梨遊行市廛問婦人曰天子何
如答曰顛顛癡癡何成天子遂殺之褒謁之好直諫文

宣臨以白刃，顏色不變。帝曰：「癡漢何敢爾！」楊愔曰：「彼望陛下殺以取後世名耳。」帝投刃嘆曰：「小子望我殺以成名，我終不成兩名。」

文宣嘗醉至北宮，適太后坐一小榻，帝手自舉牀，后便墜落，頗傷。既醒，大慚，遂令多聚柴，欲自焚。太后驚懼，親自持挽，乃令高歸彥執杖，口自責疏，脫背就罰，杖歸彥杖不出血，當斬汝。太后涕泣抱持，乃許笞脚五十。

三臺構木高二十七丈，兩棟相距二百餘尺，工匠危怯，皆繫繩自防。帝登脊疾走，都無怖畏。時復雅舞，折旋中。

節又召死囚以席爲翅從臺飛下免其罪戮

文宣寵幸薛嬪忽疑其與清河王岳通無故斬首藏之於懷出東山宴勸酬始令忽探出頭投於柈上支解其屍弄其髀爲琵琶一座莫不喪膽帝方收取對之流淚歎惜云佳人難再得載屍出葬自被髮步哭送之

○今の演の式の數の條の子の何の異の總の兒の戲の耳の

幼主戲令黑衣爲羌兵鼓譟陵城而親率內參臨拒又自晉陽東巡單馬馳驚衣解髮散而歸又好不急之務一夜索蝎至急民間一蝎價與珠等及旦徵得三升又於華林園立貧窮村舍帝自弊衣爲乞食兒又爲窮兒

之市親自交易。

隋煬帝於景華宮徵求螢火，得數斛，夜出遊山放之，光遍巖谷。

明帝崩，東昏惡靈在太極殿，欲速葬。徐孝嗣固爭，得踰月，每當哭輒推喉痛。大中大夫羊闡入臨，號慟俯仰，憤遂脫地。帝輟哭大笑。

東昏每出遊走，惡人見之，驅斥百姓，惟置空宅。一月率二十餘出，既往無定處。尉司常慮得罪，應旦出，夜便驅逐，有不及披衣徒跣走出者，或病人不便扶持，中道棄

之多死。一產婦不能行，帝入其室，令剖腹視男女焉。

忠權事

東昏開渠立埭，躬自引船，埭上設店，坐而屠肉，百姓歌曰：閻武堂，種楊柳，至尊屠肉，潘妃沽酒。

先是鬱林王常曰：佛法言有福生帝王家，今見作天王，便是大罪，動見拘束，不如市邊屠沽兒百倍寶卷，殆其故智耳。

唐太子承乾好狎羣小，嘗募亡奴，盜民間馬牛，自臨烹煮，與所幸廝役共食之。又與漢王元昌善，朝夕同遊戲，大呼交戰，擊刺流血，以爲笑樂。

○風流箭

寶曆中帝造紙箭竹皮子紙間密貯龍麝香末每宮嬪羣聚帝射之中有濃香觸體了無楚害宮中名風流箭爲之語曰風流箭中的人人類

○癡畜生

鷺性癡見人輒伸頸相嚇故俗稱癡人爲鷺頭
螻螂怒臂以當車轍

鰈魚性癡見人則樹其鬚謂人懼已也

海中烏鰂魚有八足能集足攢口縮口藏腹腹含墨值

漁艇至，卽噴墨以自蔽。魚視水黑，輒投網獲之。
錦雞愛其毛羽，自照水，因而有溺死者。

陝西出半翅鳥，倍大如鴿，鷄肉味亦如之。性極癡，又謂
之半癡，亦曰癡半。好視紅物，飛不遠，輒下歇。人着紅
裙襖以誘之，則近身凝視不去，故可得。

蚰蚩大者如柱，性喜花，嘗出逐鹿食，寨兵數輩滿頭插
花趨赴，蚰必駐視。漸近，競拊其首，大呼紅娘子。蚰頭亦
俛不動，壯士大刀斷其首，衆奔散，伺之有頃，蚰身覺奮，
迅騰擲，旁小木盡拔，力竭乃斃。數十人舁之，一村飽其

肉

螳螂。嗔。癩也。鶯與鰕。癩也。烏。鯛。愚。癩也。錦。雞。愛。癩也。牛。翅。蚬。蛇。愛。癩。亦。貪。癩也。故。癩。趣。非。人。不。能。領。若。惡。癩。則。畜。生。之。不。若。矣。

癩絕部

終